

法古錄

法
古
錄

上海古籍書店複印
上海中醫學院藏書
六冊 定價二十三元

法古錄 人集

禽部



鶴血卵

鴨血卵

鵪鶉血卵尿

五靈脂

鶴 腎脚骨嘴卵屎

鳧 血

雀 卵 白丁香

諸鳥有毒

雞肉血肫皮腸毛卵蛋殼

鷓鴣骨

夜明砂 蝙蝠血胆

鶴 仙禽

時珍曰相鶴經云鶴乃羽族之宗仙人之驥千六百年乃胎產世謂鶴不卵生者誤矣嘗以夜半鳴聲唳雲霄雄鳴上風雌鳴下風聲交而孕亦唳蛇蛇唳聞降真香烟則降其真能化石皆物類相感也按俞琰云龜鶴能運任脉故多壽無死氣於中也嘉祐云白鶴血益氣力補虛乏去風益肺時珍曰鶴卵預解痘毒煮與小兒食之多者令少少者能令不出

鶴

骨 別錄曰治鬼蠱瘧毒五尸心痛 甄權曰亦可單炙黃研空心暖酒服方寸匕 時珍曰千金治尸疰有鶴骨丸 脚骨及嘴 藏器曰治喉痺飛尸蛇虺咬及小兒閃癖大腹痛滿並

煮汁服之或燒灰飲服

卵 時珍曰預解痘毒與鶴卵同

屎 時珍曰治小兒天釣驚風炒研半錢同牛黃半錢麝香半錢炒
蠟五枚共為末每服半錢新汲水服

雞 燭夜

時珍曰雞雖屬木分而配之則丹雄雞得離火陽明之象白雄雞得
庚金太白之象故辟邪惡者宜之烏雄雞屬木烏雌雞屬水故胎產
宜之黃雌雞屬土故脾胃宜之而烏骨者又得水土之精氣故虛熱者
宜之各從其類也

徐鉉云雞者稽也能稽時也其鳴也知時刻其棲也知陰晴

丹雄雞肉 本經治女人崩中漏下赤白沃通神殺惡毒辟不祥

別錄曰補虛溫中止血能愈久傷之瘡不瘥 孫思邈曰補肺 吳

球云三年癩雞常食治虛損養血補氣

白雄雞肉 別錄曰下氣療狂邪安五臟傷中消渴 日華子曰調

中除邪利小便去丹毒風 弘景云學道山中宜養白雞白犬可以

辟邪 藏書曰白雄雞養三年能為鬼神所使

烏雄雞肉 別錄曰補中止痛 日華子曰止肚痛心腹惡氣除風濕

麻痺諸虛羸安胎治折傷并癰疽生搗塗竹木刺入肉 李廷飛云

黃雞宜老人烏雞宜產婦暖血 馬蓋卿云妊婦宜食牡雞肉取陽

精之全於天產者 崔行功云婦人產死多是富貴家擾攘致產婦

驚悸氣亂故耳惟宜屏除一切人令其獨產安靜更爛煮牡雞取汁

作粳米粥與食自然無恙乃和氣之效也 蓋牡雞汁惟性滑而濡所

以不食其肉者恐難消也今俗產家產後即食雞啖卵氣壯者幸而

無恙氣弱者因而成疾皆由不解此意也

黑雌雞肉 別錄曰作羹食治風寒濕痺五緩六急安胎 大明曰

安心定志除邪辟惡氣治血邪破心中宿血治癰疽排膿補新血及產後虛羸並色助氣 孟詵云治反胃及腹痛踠折骨痛乳癰

黃雌雞肉 時珍曰黃者土色雌者坤象味甘歸脾氣溫益胃故所

治皆脾胃之病 別錄曰傷中消渴小便數而不禁腸澼洩痢補益

五臟絕傷療五勞並氣力 大明曰治勞劣添髓補精助陽氣暖小

腸止洩精補水氣 孟詵曰補丈夫陽氣 時珍曰治產後虛羸

烏骨雞 時珍曰補虛勞羸弱治消渴中惡鬼擊心腹痛並產婦治

女人崩中帶下一切虛損諸病大人小兒下痢禁口並煮食飲汁亦

可 烏骨雞有毛色黃白不同肉白骨烏各樣惟觀雞舌黑者則骨

肉俱烏入藥更良雞屬木而骨反烏者巽變坎也受水木之精氣故

肝腎血分之病宜用之男用雌女用雄昔人有烏雞丸治婦人百病

煮雞至爛和藥或并骨研用之

說曰凡雞有五色者玄雞白首者六指者四距者雞死足不伸者並不可食害人 宗奭曰雞屬巽巽為風雞鳴至五更者日至巽感動其氣而然也今有風病人食之無不發作雞屬巽風信可驗矣

雞冠血 別錄曰烏雞者主乳難 孟詵曰治目淚不止日點三次良

時珍曰赤點暴赤目 丹雞者日華子曰治白癰風 時珍曰雞冠血

用三年老雄者取其陽氣充溢也風中血脈則口喎不正冠血鹹而走血透肌雞之精華所聚本乎天者親上也丹者陽中之陽能辟邪

故治中惡驚忤諸病烏者陽形陰色陽中之陰故治產乳目淚諸病

其治蜈蚣蜘蛛諸毒雞食百蟲制之以所畏也 痘疹正宗云雞冠

血和酒服發痘最佳雞屬巽風頂血至清至高故也

鷄內金 一名脫脰 音皮鷄 俗呼鷄脫皮甘平性溫雞之脾也 日華子

曰止泄精尿血崩中帶下腸風瀉血 別錄曰洩痢小便頻遺除熱

止煩 時珍曰治小兒食瘡療大人淋瀝反胃消酒積主喉閉乳蛾一切口瘡牙疳諸瘡男用雌女用雄

腸 別錄治遺溺小便不禁數燒存性每服三指酒下 時珍曰止遺精白濁消渴

翮翎 白雄鷄翅翮良 別錄曰下血閉左翅毛能起陰 時珍曰

治婦人小便不禁消陰癰瘰瘻骨哽蝕癰疽止小兒夜啼安席下勿令母知 葛洪云井有毒不可輒入即殺人宜先以鷄毛試之直下者無毒回旋者有毒也 時珍曰尾毛燒灰傳小兒痘後生癰

雞子 日華子云鎮心安五臟止驚安胎治妊娠天行熱疫狂走男子陰囊濕痒及開喉聲失音醋煮食之治赤白久痢及產後虛痢光粉同炒乾止疳痢及婦人陰瘡和豆淋酒服治賊風麻痺作酒止產後血運暖水水臟縮水便止耳鳴 時珍曰卵白象天其氣清其性微

寒卵黃象地其氣渾其性溫卵則兼黃白而用之其性平精不足者補之以氣故卵白能清氣治伏熱目赤咽痛諸疾形不足者補之以味故卵黃能補血治下痢胎產諸疾卵則兼理氣血故治上列諸疾也

卵白 別錄曰目熱赤痛除心下伏熱止煩滿效逆小兒下泄婦人產難胞衣不出並生吞之 時珍曰和赤小豆末塗一切熱毒丹腫顯痛神效 宗奭曰產後血運身強目直昏不知人以鷄子清荊芥末調服即安烏鷄子尤善

卵黃 日華子云醋煮治產後虛癆 時珍曰補陰血解熱毒治下痢其治嘔逆諸瘡亦取其除熱引蟲而已 胞衣不下者吞卵黃二三枚解髮刺喉令吐即下又小腸疝氣溫水攪卵黃服之又亂髮和雞子黃煎之髮為水療小兒驚熱下痢

哺雛蛋殼 日華子曰研末磨障翳燒研入片腦點瘰癧入目炒研
油調傅下疳 昂曰瘰癧倒陷昏睡不醒用蛋殼^{去膜}焙研熱湯調下五
分神效研細麻油調搽瘰癧毒

屎白 雞矢醃 雄雞屎乃有白臘月收之白鷄烏骨者良素問作

雞矢 頌曰按素問云心腹滿旦食不能暮食名為鼓脹治之以雞

矢醃一劑知二劑已 時珍曰鼓脹生於濕熱亦有積滯成者雞屎

能下氣消積通利大小便故治鼓脹有殊功兼消癥瘕瘰癧破傷小兒

驚啼以醋和塗蜈蚣蚯蚓咬毒 日華子云治中風失音痰迷炒服

治小兒客忤蠱毒治白虎風貼風痛 別錄云破石淋及轉筋利小

便止遺尿戒癰痕

鴨

鶩音木

時珍曰鶩性質木而無他心故庶人以為贄 別錄曰補虛除客熱和

臟腑及水道療小兒驚癇 日華云解丹毒止熱痢 孟詵曰頭生

瘡腫和葱豉煮汁飲之去卒然煩熱 時珍曰鴨水禽也治水利小

便宜用青頭雄鴨水取水生發之象治虛勞熱毒宜用烏骨白鴨取金

水寒肅之象也老者良 聖藥曰黃雌鴨為補最勝 時珍曰嫩者毒老者良尾膠者奇食腸風下血人不可食

鴨血 白鴨者良 別錄曰解諸毒 孟詵曰熱飲解野葛毒已死

者入咽即活 時珍曰熱血解中生金生銀丹石砒霜諸毒射上毒

又治中惡及溺水死者灌之即活蚯蚓咬瘡塗之即愈兼解百蠱毒

鴨子 日華子云治心腹胸膈熱 時珍曰今人並藏鴨子能治小

兒熱疳痢蓋鴨肉能治痢而炒鹽亦治血痢故耳

鳧 野鴨

孟詵曰補中益氣平胃消食除十二種蟲身上有諸小熱瘡年久不

愈者但多食之即瘥 日華云治熱毒風及惡瘡癰殺腹臟一切蟲

去古錄 禽部 子鳥 鳥鳥 鳥鳥

治水腫 時珍曰血解批生蠱毒熱飲探吐

鸕鷀 水老鴉

時珍曰此禽別錄不見功用惟雷氏炮炙論序云體寒腹大全賴鸕鷀註云治腹大如鼓體寒者以鸕鷀燒存性為末米飲服之立愈蓋諸腹鼓大皆屬於熱衛氣並循於血脉則體寒此乃水為其氣寒冷而利水寒能勝熱利水能去濕故也 弘景曰骨燒灰水服下魚骨哽 外臺云凡魚骨哽者但密念鸕鷀不已即下此乃厭伏之意耳

鵒 飛奴

別錄曰鸕鷀頭喙翅羽燒研酒服治哽及噎甚效

宗奭曰鵒之毛色不一惟白鵒入藥 白鵒肉 嘉祐云解諸藥毒及人馬久患疥食之立愈 孟詵曰調精益氣治惡瘡疥癬風瘡白癰癰瘍風炒熟酒服雖並人食多恐減藥力 時珍曰血解諸藥百蠱毒卵解瘡毒痘毒

屎名左盤龍 時珍曰野鴿者尤良其屎皆左盤故宣明方謂之左盤龍也 嘉祐云人馬疥瘡炒研傳驢馬和草飼之 汪穎曰消腫及腹中痞塊 時珍曰消瘰癧諸瘡瘰癧破傷風及陰毒垂死者殺蟲炒黃為末傳反花瘡

雀 尾雀

和景曰妊婦食雀肉飲酒令子多淫食雀肉豆醬令子面黥 藏器曰冬月食之起陽道令人有子 日華曰壯陽道益氣暖腰膝縮小便治血崩帶下 宗奭曰正月以前十月以後宜食之取其陰陽靜定未泄也故卵亦取第一番者

雀卵 孟詵曰治男子陰痿不起女子帶下便溺不利除疝瘕 和景曰雀卵和天雄服之令莖不衰

白丁香 即雄雀屎 斆曰雀屎尖在上者是雄而頭圓者是雌

別錄曰療目痛決癰疽女人帶下^便不利除疔瘕 如景曰療齩齒
孟詵曰癰疽不潰者點塗即潰急黃欲死者湯化服之立甦腹中
疔瘕諸塊伏梁等和乾薑桂心艾葉為丸服之能令消爛 蘇恭曰
和乳點目中弩肉赤脉貫童子者即消神效 時珍曰雀食諸穀易
致消化故所治疔瘕積脹疔瘕及目瞽弩肉癰疽瘡癰咽喉齩齒諸
症皆取其能消爛之義也

伏翼屎

夜明砂

時珍曰取得蝙蝠屎以水淘去灰土惡氣取細砂即名夜明砂蓋伏
蝙蝠有翼日伏夜食蚊蚋故曰伏翼又曰夜明而其砂即蚊蚋眼也
宗奭曰伏翼日不能飛但畏鷲鳥不敢出耳善服氣故能壽久月不
食可知矣

本經治面癰腫皮膚洗時痛腹中血氣破寒熱積聚除驚悸 蘇

恭曰燒灰酒服方寸匕下死胎 日華曰炒服治瘰癧 慎微云搗
熬為末拌飯與三歲小兒食之治無辜病宗輿云治疳有效 時珍
曰夜明砂及蝙蝠皆厥陰肝經血分藥也能活血消積故所治目翳
盲障瘡癰疳驚淋帶瘰癧癰腫皆厥陰之病也

蝙蝠血及胆 藏器曰血與膽汁滴目令人不睡夜中見物

五靈脂

志曰五靈脂出北地寒號蟲糞也 時珍曰狀如小鷄四足有肉翅
即曷旦鳥夜鳴求旦夏月毛盛至冬毛落忍寒而號曰得過且過其
屎恒集一處有如糊者有粘塊如糖者人以沙石雜而貨故凡用必
以糖心潤澤者為真 頌曰此物夾砂石凡用為末以酒飛去砂石
曬乾研細收用 開寶治心腹冷氣小兒五疳辟疫治腸風通利氣
脈女子血閉 蘇頌曰療傷冷積 震亨曰凡血崩過多者半炒半

生酒服能行血止血治血氣刺痛甚效。宗奭曰有人病目中昏此乃血所病也。肝受血則能視目病不治血為背理也。用五靈脂之藥而愈。時珍曰五靈脂足厥陰肝經藥也。肝主血諸痛皆屬於木諸虫皆生於風故此藥能治血病散血和血而止諸痛治驚癇除瘡癩消積化痰療疳殺虫治血痺血眼諸症皆屬肝經也。失笑散不獨治婦人心痛血痛凡男女老幼一切心腹脇肋少腹諸痛疝氣并胎前產後血氣作痛及血崩經溢百藥不效者俱能奏功。兼治又曰五靈脂止婦人經水過多赤帶不絕血痢腸風腹痛小兒驚風五癇癩疾殺虫解藥毒及蛇蠍蜈蚣傷。宗奭曰毒蛇傷重用五靈脂同雄黃酒服澤傳甚效。

諸鳥有毒 凡鳥自死目閉 自死足不伸 白鳥玄首 玄鳥白首 三足 四距 六指 四翼 異形異色 並不可食食之殺人